


বিবিধ—কাব্য

মাইকেল মধুসূদন দত্ত

সম্পাদক :

শ্রীব্রজেননাথ বন্দ্যোপাধ্যায়

শ্রীসজনীকান্ত দাস



বঙ্গবন্ধু-সাহিত্য-পরিষৎ

২৪৩১, আপার সারকুলার রোড

কলিকাতা

প্রকাশক
শ্রীরামকমল সিংহ
বঙ্গীয়-সাহিত্য-পরিষৎ

ফাল্গুন, ১৩৪৭

চারি আনা

মুদ্রাকর—শ্রীসৌরীন্দ্রনাথ দাস
শনিরঞ্জন প্রেস, ২৫।২ মোহনবাগান রো, কলিকাতা
৩২—১০।৩।১৯৪১

ভূমিকা

মধুসূদনের সাহিত্য-জীবন নানা কারণে নানা ভাবে খণ্ডিত ও বাধাগ্রস্ত হইয়াছিল। চিঠিপত্রে প্রকাশিত তাঁহার বহুবিধ সঙ্কল্প, পরিণামে সেগুলির বিফলতা এবং তাঁহার বিবিধ অসম্পূর্ণ কাব্য ও কবিতায় তাহার প্রমাণ পাওয়া যায়। তিনি নানা সময়ে বিশেষ উৎসাহের সঙ্গে অনেকগুলি কাব্য ও কবিতা রচনা আরম্ভ করিয়াছিলেন কিন্তু শেষ করিতে পারেন নাই। এই অসম্পূর্ণ কাব্যগুলির মধ্যে তাঁহার 'বীরাজনা কাব্য' ও নীতিগর্ভ কবিতাবলীই আমাদের বিশেষ আক্ষেপের কারণ হইয়া আছে। বর্তমান সংস্করণ গ্রন্থাবলীর এই বিবিধ খণ্ডটি কবি মধুসূদনের বিরাট সম্ভাবনার ও বিপুল নৈরাশ্যের নিদর্শন।

এই বিক্ষিপ্ত কবিতা ও কাব্যাংশগুলি আমরা নানা স্থান হইতে সংগ্রহ করিয়াছি। কবির জীবিতকালে বিভিন্ন সাময়িক-পত্রে ইহাদের কয়েকটি মাত্র প্রকাশিত হইয়াছিল; বাকিগুলি তাঁহার মৃত্যুর পরেই প্রকাশিত হইয়াছে। সাময়িক-পত্রে সবগুলি বাহির হয় নাই। 'জীবন-চরিতে' ও 'মধু-স্মৃতি'তে অধিকাংশই স্থান পাইয়াছে। একই কবিতার কোন কোন স্থানে দুইরূপ পাঠ পাওয়া গিয়াছে। কয়েকটি অসম্পূর্ণ কবিতা মধুসূদনের 'চতুর্দশপদী কবিতাবলী'র ১ম সংস্করণের (১৮৬৬) পরিশিষ্টে "অসমাপ্ত কাব্যাবলি" নামে বাহির হইয়াছিল। দীননাথ সান্যাল-সম্পাদিত 'চতুর্দশপদী কবিতাবলী'র শেষে একটি অপ্রকাশিত-পূর্ব কবিতা আছে; নগেন্দ্রনাথ সোম সেটি সংগ্রহ করিয়া দিয়াছিলেন। আমরা এই খণ্ডে এই সকলগুলিই একত্র সন্নিবিষ্ট করিলাম। কবিতাগুলিকে যত দূর সম্ভব, কালানুক্রমিক সাজাইবার চেষ্টা করিয়াছি। যে যে স্থান হইতে কবিতা-গুলি সংগৃহীত হইয়াছে, নিম্নে তাহার নির্দেশ দিলাম। "যো" বলিতে যোগীন্দ্রনাথ বসু-প্রণীত 'জীবন-চরিত' চতুর্থ সংস্করণ এবং "ন" বলিতে নগেন্দ্রনাথ সোম-প্রণীত 'মধু-স্মৃতি' বুঝিতে হইবে।

- ১। বর্ষাকাল যে পৃ. ১০০-১
- ২। হিমঝরু ঐ পৃ. ১০১
- ৩। রিজিয়া ঐ পৃ. ৬৭৮-৮০
- ৪। কবি-মাতৃভাষা ঐ পৃ. ৪৭৭
- ৫। আত্ম-বিলাপ —তত্ত্ববোধিনী পত্রিকা, ১৭৮৩ শক, আশ্বিন
- ৬। বঙ্গভূমির প্রতি—সোমপ্রকাশ, ১৬ জুন, ১৮৬২
- ৭-৮। ভারত-বৃত্তান্ত —দ্রোপদীস্বয়ম্বর—প্রবাসী, ভাদ্র ১৩১১
- ৯। —মৎস্যগন্ধা—আর্য্যদর্শন, ফাল্গুন ১২৯০, পৃ. ২৮৮
- ১০। স্মৃতদ্রা-হরণ —চতুর্দশপদী কবিতাবলী, ১ম সংস্করণ, পৃ. ১০১-৪
- ১১। নীতিগর্ভ কাব্য—ময়ূর ও গৌরী ঐ পৃ. ১১৪-৬
- ১২। —কাক ও শৃগালী ঐ পৃ. ১১৭-৮
- ১৩। —রসাল ও স্বর্ণলতিকা ঐ পৃ. ১১৮-২২
- ১৪। —অশ্ব ও কুরঙ্গ যো. পৃ. ৫৯৪
- ১৫। —দেবদৃষ্টি ন. পৃ. ৫২৮-৩২
- ১৬। —গদা ও সদা—প্রবাসী, আশ্বিন ১৩১১, পৃ. ২৯৪-৯৫
- ১৭। —কুক্কট ও মণি চতুর্দশপদী, দীননাথ, পৃ. ৯৮
- ১৮। —সূর্য্য ও মৈনাক-গিরি ঐ পৃ. ৯৯-১০১
- ১৯। —মেঘ ও চাতক ঐ পৃ. ১০২-৪
- ২০। —পীড়িত সিংহ ও অগ্ন্যাগ্ন পশু ঐ পৃ. ১০৫-৬
- ২১। —সিংহ ও মশক ঐ পৃ. ৯৫-৭
- ২২। ঢাকাবাসীদিগের অভিনন্দনের উত্তরে যো. পৃ. ৬০৬-৭
- ২৩। পুরুলিয়া জ্যোতিরঙ্গণ, এপ্রিল ১৮৭২, পৃ. ১১৭
- ২৪। পরেশনাথ গিরি আর্য্যদর্শন, আষাঢ় ১২৮১, আশ্বিন ১২৯১
- ২৫। কবির ধর্ম্মপুত্র জ্যোতিরঙ্গণ, নবেম্বর ১৮৭২, পৃ. ৪০
- ২৬। পঞ্চকোট গিরি ন. পৃ. ৫২২
- ২৭। পঞ্চকোটস্থ রাজশ্রী ন. পৃ. ৫২৩
- ২৮। পঞ্চকোট-গিরি বিদায়-সঙ্গীত ন. পৃ. ৫২৩-৪

- | | | | |
|-------|---|------------------|---------|
| ২৯। | সমাধি-লিপি | যো. | পৃ. ৬৩৯ |
| ৩০। | পাণ্ডব-বিজয় | আর্যদর্শন, আষাঢ় | ১২৯১ |
| ৩১। | দুর্যোধনের মৃত্যু | ঐ চৈত্র | ১২৮৯ |
| ৩২। | সিংহল-বিজয় | ঐ শ্রাবণ | ১২৯১ |
| ৩৩। | হতাশা-পীড়িত হৃদয়ের ছঃখধ্বনি | ঐ বৈশাখ, | ১২৯১ |
| ৩৪। | দেবদানবীয়ম্ | ঐ ফাল্গুন, | ১২৯০ |
| • ৩৫। | জীবিতাবস্থায় অনাদৃত কবিগণের সম্বন্ধে | প্রবাসী, ভাদ্র | ১৩১১ |
| ৩৬। | পণ্ডিতবর শ্রীযুক্ত ঈশ্বরচন্দ্র বিদ্যাসাগর | ঐ | |

সন্দেহস্থলে আমরা নিজেদের বুদ্ধিমত পাঠ গ্রহণ করিয়াছি। কোনও কোনও কবিতার স্থানে স্থানে অর্থনির্ণয় কষ্টসাধ্য; অনেক স্থলে স্পষ্ট মুদ্রাকর ও অন্যান্য প্রমাদ আছে। পরিশিষ্টে “দুরূহ শব্দের ব্যাখ্যা”য় সেগুলি প্রদর্শিত হইল। “বর্ষাকাল” ও “হিমঝতু” কবির বাল্যরচনা।

পঞ্চকোট গিরি	...	৪০
পঞ্চকোটস্থ রাজশ্রী	...	৪১
পঞ্চকোট-গিরি বিদায়-সঙ্গীত	...	৪২
সমাধি-লিপি	...	৪২
পাণ্ডববিজয়	...	৪৩
ছর্যোধনের মৃত্যু	...	৪৪
সিংহল-বিজয়	...	৪৬
হতাশা-পীড়িত হৃদয়ের হুঃখধ্বনি	...	৪৭
দেবদানবায়ম্	...	৪৮
জীবিতাবস্থায় অনাদৃত কবিগণের সম্বন্ধে		৪৮
পণ্ডিতবর শ্রীযুক্ত ঈশ্বরচন্দ্র বিদ্যাসাগর		৪৯

विश्व

বর্ষাকাল

গভীর গর্জন সদা করে জলধর,
উথলিল নদনদী ধরণী উপর ।
রমণী রমণ লয়ে, সুখে কেলি করে,
দানবাদি দেব, যক্ষ সুখিত অন্তরে ।
সমীরণ ঘন ঘন ঝন ঝন রব,
বরুণ প্রবল দেখি প্রবল প্রভাব ।
স্বাধীন হইয়া পাছে পরাধীন হয়,
কলহ করয়ে কোন মতে শাস্ত নয় ॥

হিমঝতু

হিমন্তুর আগমনে সকলে কম্পিত,
রামাগণ ভাবে মনে হইয়া ছুঃখিত ।
মনাগুনে ভাবে মনে হইয়া বিকার,
নিবিল প্রেমের অগ্নি নাহি জ্বলে আর ।
ফুরায়েছে সব আশা মদন রাজার
আসিবে বসন্ত আশা—এই আশা সার ।
আশায় আশ্রিত জনে নিরাশ করিলে,
আশাতে আশার বস আশায় মারিলে ।
সৃজিয়াছি আশাতরু আশিত হইয়া,
নষ্ট কর হেন তরু নিরাশ করিয়া ।
যে জন করয়ে আশা, আশার আশ্বাসে,
নিরাশ করয়ে তারে কেমন মানসে ॥

রিজিয়া

হা বিধি, অধীর আমি ! অধীর কে কবে,
এ পোড়া মনের জ্বালা জুড়াই কি দিয়া ?
হে স্মৃতি, কি হেতু যত পূর্বকথা কয়ে,
দ্বিগুণিছ এ আগুন, জিজ্ঞাসি তোমারে !
কি হেতু লো বিষদন্ত ফণিরূপ ধরি,
মুহুমুহু দংশে আজি জর্জরি হৃদয়ে ?
কেমনে, লো ছুটা নারি, ভুলিলি নিষ্ঠুরে
আমায় ? সে পূর্ব সত্য, অঙ্গীকার যত,
সে আদর, সে সোহাগ, সে ভাব কেমনে
ভুলিল ও মন তোর, কে কবে আমারে ?
হায় লো সে প্রেমানুর কি তাপে শুকাল ?
এ হেন সুবর্ণ-দেহে কি সুখে রাখিলি
এ হেন ছুরন্ত আত্মা, রে ছুরাত্মা বিধি !
এ হেন সুবর্ণময় মন্দিরে স্থাপিলি
এ হেন কু-দেবতারে তুই কি কৌতুকে ?
কোথা পাব হেন মন্ত্র যার মহাবলে
ভুলি তোরে, ভূত কাল, প্রমত্ত যেমতি
বিস্মরে (সুরার তেজে, যা কিছু সে করে)
জ্ঞানোদয়ে ? রে মদন, প্রমত্ত করিলি
মোরে প্রেম-মদে তুই ; ভুলা তবে এবে,
ঘটিল যা কিছু, যবে ছিনু জ্ঞান-হীনে ।
এ মোর মনের দুঃখ কে আছে বুঝিবে ?
বন্ধুমাত্র মোর তুই, চল্ সিদ্ধদেশে,
দেখিব কি থাকে ভাগ্যে ! হয়ত মারিব,

এ মনাগ্নি নিবাইব ঢালি লছ-শ্রোতে,
 নতুবা, রে মৃত্যু, তোর নীরব সদনে
 ভুলিব এ মহাজ্বালা—দেখিব কি ঘটে !
 কি কাজ জীবনে আর ! কমল বিহনে
 ডুবে অভিমানে জলে মৃগাল, যত্নপি
 হরে কেহ শিরোমণি, মরে ফণী শোকে ।
 চূড়াশূন্য রথে চড়ি কোন্ বীর যুঝে ?
 কি সাধ জীবনে আর ? রে দারুণ বিধি,
 অমৃত যে ফলে, আজ বিষাক্ত করিলি
 সে ফলে ? অনন্ত আয়ুদায়িনী সুধারে
 না পেয়ে, কি হলাহল লভিত্ত মথিয়া
 অকূল সাগরে, হায় হিয়া জ্বালাইতে ?
 হা ধিক্ ! হা ধিক্ তোরে নারীকুলাধমা !
 চণ্ডালিনী ব্রহ্মকূলে তুই পাপীয়সী,
 আর তোর পোড়া মুখ কভু না হেরিব,
 যত দিন নাহি পারি তোর যমরূপে
 আক্রমিতে রণে তোরে বীরপরাক্রমে !
 ভেবেছিন্ত লয়ে তোরে সোহাগে বাসরে
 কত যে লো ভালবাসি কব তোর কানে,
 বায়ু যথা ফুলদলে সায়ংকালে পেয়ে
 কাননে । সে প্রেমাশায় দিন্ত জলাঞ্জলি ।
 সে সুবর্ণ আশালতা তুই লো নিষ্ঠুরা
 দাবানল-শিখারূপে নিষ্ঠুরে পোড়ালি !
 পশু রে বিবরে তোর, তুই কাল ফণী ।

কবি-মাতৃভাষা

নিজাগারে ছিল মোর অমূল্য রতন
অগণ্য ; তা সবে আমি অবহেলা করি,
অর্থলোভে দেশে দেশে করিছু ভ্রমণ,
বন্দরে বন্দরে যথা বাণিজ্যের তরী ।
কাটাইলু কত কাল সুখ পরিহরি,
এই ব্রতে, যথা তপোবনে তপোধন,
অশন, শয়ন ত্যজে, ইষ্টদেবে স্মরি,
তাঁহার সেবায় সদা সঁপি কায় মন ।
বঙ্গকুল-লক্ষ্মী মোরে নিশার স্বপনে
কহিলা—“হে বৎস, দেখি তোমার ভকতি,
সুপ্রসন্ন তব প্রতি দেবী সরস্বতী ।
নিজ গৃহে ধন তব, তবে কি কারণে
ভিখারী তুমি হে আজি, কহ ধন-পতি ?
কেন নিরানন্দ তুমি আনন্দ-সদনে ?”

আত্ম-বিলাপ

আশার ছলনে ভুলি কি ফল লভিছু, হায়,
 তাই ভাবি মনে ?
জীবন-প্রবাহ বহি কাল-সিন্ধু পানে যায়,
 ফিরাব কেমনে ?
দিন দিন আয়ুহীন, হীনবল দিন দিন,—
তবু এ আশার নেশা ছুটিল না ? এ কি দায় !

২

রে প্রমত্ত মন মম ! কবে পোহাইবে রাতি ?

জাগিবি রে কবে ?

জীবন-উদ্ভানে তোর যৌবন-কুসুম-ভাতি

কত দিন রবে ?

নীর-বিন্দু দুর্বাদলে, নিত্য কি রে ঝলঝলে ?

কে না জানে অশ্রুবিষ অশ্রুমুখে সত্ত্বঃপাতি ?

৩

নিশার স্বপন-সুখে সুখী যে, কি সুখ তার ?

জাগে সে কাঁদিতে !

ক্ষণপ্রভা প্রভা-দানে বাড়ায় মাত্র আঁধার

পথিকে ধাঁদিতে !

মরীচিকা মরুদেশে, নাশে প্রাণ তৃষাক্রেশে ;—

এ তিনের ছল সম ছল রে এ কু-আশার ।

৪

প্রেমের নিগড় গড়ি পরিলি চরণে সাদে ;

কি ফল লভিলি ?

অলস্তু-পাবক-শিখা-লোভে তুই কাল-কাঁদে

উড়িয়া পড়িলি !

পতঙ্গ যে রঙ্গে ধায়, ধাইলি, অবোধ, হায় !

না দেখিলি, না শুনিলি, এবে রে পরাণ কাঁদে

মধুসূদন-গ্রন্থাবলী

বাকী কি রাখিলি তুই বৃথা অর্থ-অশ্বেষণে,
সে সাধ সাধিতে ?

ক্ষত মাত্র হাত তোর মৃগাল-কণ্টকগণে
কমল ভুলিতে !

নারিলি হরিতে মণি, দংশিল কেবল ফণী !
এ বিষম বিষজ্বালা ভুলিবি, মন, কেমনে !

৬

যশোলাভ লোভে আয়ু কত যে ব্যয়িলি হায়,
কব তা কাহারে ?

সুগন্ধ কুসুম-গন্ধে অন্ধ কীট যথা ধায়,
কাটিতে তাহারে,—

মাৎসর্যা-বিষদশন, কামড়ে রে অনুক্ষণ !
এই কি লভিলি লাভ, অনাহারে, অনিদ্রায় ?

মুকুতা-ফলের লোভে, ডুবে রে অতল জলে
যতনে ধীবর,

শতমুক্তাধিক আয়ু কালসিন্ধু জলতলে
ফেলিস্, পামর !

ফিরি দিবে হারাধন, কে তোরে, অবোধ মন,
হায় রে, ভুলিবি কত আশার কুহক-ছলে !

বঙ্গভূমির প্রতি

“My native Land, Good night !”—*Byron.*

রেখো, মা, দাসেরে মনে, এ মিনতি করি পদে ।

সাধিতে মনের সাদ,

ঘটে যদি পরমাদ,

মধুহীন করো না গো তব মনঃকোকনদে ।

প্রবাসে, দৈবের বশে,

জীব-তারা যদি খসে

এ দেহ-আকাশ হতে,— নাহি খেদ তাহে ।

জন্মিলে মরিতে হবে,

অমর কে কোথা কবে,

চিরস্থির কবে নীর, হায় রে, জীবন-নদে ?

কিন্তু যদি রাখ মনে,

নাহি, মা, ডরি শমনে ;

মক্ষিকাও গলে না গো, পড়িলে অমৃত-হৃদে !

সেই ধন্য নরকুলে,

লোকে যারে নাহি ভুলে,

মনের মন্দিরে সদা সেবে সর্বজন ;—

কিন্তু কোন্ গুণ আছে,

যাচিব যে তব কাছে,

হেন অমরতা আমি, কহ, গো, শ্যামা জন্মদে !

তবে যদি দয়া কর,

ভুল দোষ, গুণ ধর,

অমর করিয়া বর দেহ দাসে, সুবরদে !—

ফুটি যেন স্মৃতি-জলে,

মানসে, মা, যথা ফলে

মধুময় তামরস কি বসন্ত, কি শরদে !

ভারত-বৃত্তান্ত

দ্রৌপদীস্বয়ম্বর

VERSAILLES,
9th September, 1863.

কেমনে রথীন্দ্র পথার্থ স্ববলে লভিলা
পরাভবি রাজবৃন্দে চারুচন্দ্রাননা
কৃষ্ণায়, নবীন ছন্দে সে মহাকাহিনী
কহিবে নবীন কবি বঙ্গবাসী জনে,
বাগ্‌দেবি ! দাসেরে যদি কৃপা কর তুমি ।
না জানি ভকতি স্তুতি, না জানি কি ক'রে
আরাধি হে বিশ্বারাধ্যা তোমায় ; না জানি
কি ভাবে মনের ভাব নিবেদি ও পদে !
কিন্তু মার প্রাণ কভু নারে কি বুঝিতে
শিশুর মনের সাধ, যদিও না ফুটে
কথা তার ? উর তবে, উর মা, আসরে ।
আইস মা এ প্রবাসে বঙ্গের সঙ্গীতে
জুড়াই বিরহজ্বালা, বিহঙ্গম যথা
রঙ্গহীন কুপিঞ্জরে কভু কভু ভুলে
কারাগারচুখ সাধি কুঞ্জবনস্বরে ।
সত্যবতীসতীশ্রুত, হে গুরু, ভারতে
কবিতা-সুধার সরে বিকচিত চির
কমল দ্বিতীয় তুমি ; কৃতাজ্জলিপুটে
প্রণমে চরণে দাস, দয়া কর দাসে ।
হায় নরাধম আমি ! ডরি গো পশিতে
যথায় কমলাসনে আসীনা দেউলে
ভারতী ; তেঁই হে ডাকি দাঁড়ায়ে ছয়ারে,
আচার্য্য । আইস শীঘ্র দ্বিজোত্তম সুরি ।

দাসের বাসনা, ফুলে পূজি জননীরে,
বর চাহি দেহ ব্যাস, এই বর মাগি ।

গভীর সুড়ঙ্গপথে চলিলা নীরবে
পঞ্চ ভাই সঙ্গে সতী ভোজেন্দ্রনন্দিনী
কুন্তী ; স্বরচিত-গৃহে মরিল দুর্গতি
পুরোচন ; * * *

দ্রৌপদীস্বয়ম্বর

কেমনে রথীন্দ্র পার্থ পরাভবি রণে
লক্ষ রণসিংহ শূরে পাঞ্চাল নগরে
লভিলা দ্রুপদবালা কৃষ্ণা মহাধনে,
দেবের অসাধ্য কর্ম সাধি দেববরে,—
গাইব সে মহাগীত । এ ভিক্ষা চরণে,
বাগ্‌দেবি ! গাইব মা গো নব মধুস্বরে,
কর দয়া, চিরদাস নমে পদাম্বুজে,
দয়ায় আসরে উর, দেবি শ্বেতভূজে ।

* * *

বিঁধিলা লক্ষ্যেপারে পার্থ, আকাশে অঙ্গুরী
গাইল বিজয়গীত, পুষ্পবৃষ্টি করি
আকাশসম্ভবা দেবী সরস্বতী আসি
কহিলা এ সব কথা কৃষ্ণারে সম্ভাষি ।

লো পঞ্চালরাজসুতা কৃষ্ণা গুণবতি,
তব প্রতি সুপ্রসন্ন আজি প্রজ্ঞাপতি ।
এত দিনে ফুটিল গো বিবাহের ফুল ।
পেয়েছ সুন্দরি ! স্বামী ভুবনে অতুল ।

চেন কি উহারে উনি কোন্ মহামতি,
 কত গুণে গুণবান্ জানো কি লো সতি ?
 না চেনো না জানো যদি শুন দিয়া মন,
 ছদ্মবেশী উনি ধনি, নহেন ব্রাহ্মণ ।
 অত্যাচ ভারতবংশশিরে শিরোমণি
 কুস্তুর হৃদয়নিধি বিখ্যাত ফাল্গুনি ।
 ভাস্করাশি মাঝে যথা লুপ্ত হুতাশন
 সেইরূপ ক্ষত্রতেজ আছিল গোপন ।
 অগ্নেয়গিরির গর্ভ করি বিদারণ
 যথা বেগে বাহিরয় ভীম হুতাশন,
 অথবা ভেদিয়া যথা পূরব গগন
 সহসা আকাশে শোভে জ্বলন্ত তপন,
 সেইরূপ এত দিনে পাইয়া সময়,
 লুপ্ত ক্ষত্রতেজ বহি হইল উদয় ।

মৎস্যগন্ধা

চেয়ে দেখ, মোর পানে, কলকল্লোলিনি
 যমুনে ! দেখিয়া, কহ, শুনি তব মুখে,
 বিধুমুখি, আছে কি গো অখিল জগতে,
 ছুঃখিনী দাসীর সম ? কেন যে সৃজিলা,—
 কি হেতু বিধাতা, মোরে, বুঝিব কেমনে ?
 তরুণ যৌবন মোর ! না পারি লড়িতে
 পোড়া নিতম্বের ভরে ! কবরীবন্ধন
 খুলি যদি, পোড়া চুল পড়ে ভূমিতলে !
 কিন্তু, কে চাহিয়া কবে দেখে মোর পানে ?

না বসে গুঞ্জরি সখি, শিলীমুখ যথা
 শ্বেতাস্বরী ধুতুরার নীরস অধরে,
 হেরি অভাগীরে দূরে ফিরে অধোমুখে
 যুবকুল ; কাঁদি আমি বসি লো বিরলে !

সুভদ্রা-হরণ

প্রথম সর্গ

কেমনে ফাল্গুনি শূর স্বপুণে লভিলা
 (পরাভবি যত্ন-বন্দে) চারু-চন্দ্রাননা
 ভদ্রায় ;—নবীন ছন্দে সে মহাকাহিনী
 কহিবে নবীন কবি বঙ্গবাসি-জনে,
 বাগ্দেরি, দাসেরে যদি কৃপা কর তুমি ।
 না জানি ভক্তি, স্তুতি ; না জানি কি কয়ে,
 আরাধি, হে বিশ্বারাধো, তোমায় ; না জানি
 কি ভাবে মনের ভাব নিবেদি ও পদে !
 কিন্তু মার প্রাণ কভু নারে কি বৃষ্টিতে
 শিশুর মনের সাধ, যদিও না ফুটে
 কথা তার ? কৃপা করি উর গো আসরে ।
 আইস, মা, এ প্রবাসে, বঙ্গের সঙ্গীতে
 জুড়াই বিরহ-জ্বালা, বিহঙ্গম যথা,
 কারাবন্ধ পিঁজিরায়, কভু কভু ভুলে
 কারাগার-দুখ, স্মরি নিকুঞ্জের স্বরে !

ইন্দ্রপ্রস্থে পঞ্চ ভাই পাঞ্চালীরে লয়ে
 কৌতুকে করিলা বাস । আদরে ইন্দিরা
 (জগত-আনন্দময়ী) নব-রাজ-পুরে

উরিলা ; লাগিল নিত্য বাড়িতে চৌদিকে
 রাজ-শ্রী, শ্রীবরদার পদের প্রসাদে !—
 এ মঙ্গলবার্তা শুনি নারদের মুখে
 শচী, বরাজনা দেবী, বৈজয়ন্ত-ধামে
 রুযিলা । জ্বলিল পুনঃ পূর্বকথা স্মরি,
 দাবানল-রূপ রোষ হিয়া-রূপ বনে,
 দগধি পরাণ তাপে ! “হা ধিক্ !”—ভাবিলা
 বিরলে মানিনী মনে—“ধিক্ রে আমারে !
 আর কি মানিবে কেহ এ তিন ভুবনে
 অভাগিনী ইন্দ্রাণীরে ? কেন তাকে দিলি
 অনন্ত-যৌবন-কাস্তি, তুই, পোড়া বিধি ?
 হায়, কারে কব তুখ ? মোরে অপমানি,
 ভোজ-রাজ-বালা কুণ্ডী—কুল-কলঙ্কিনী,—
 পাণ্ডায়সী—তার মান বাড়ান কুলিশী ?
 যৌবন-কুহকে, ধিক্, যে ব্যভিচারিণী
 মজাইল দেব-রাজে, মোরে লাজ দিয়া ।
 অর্জুন—জারজ তার—নাহি কি শক্তি
 আমার—ইন্দ্রাণী আমি—মারি সে অর্জুনে,
 এ পোড়া চখের বালি ?—দুর্যোধনে দিয়া
 গড়াইলু জতুগৃহ ; সে ফাঁদ এড়ায়ে
 লক্ষ্য বিঁধি, লক্ষ রাজে বিমুখি সমরে
 পাঞ্চালীরে মন্দমতি লভিল পঞ্চালে ।
 অহিত সাধিতে, দেখ, হতাশ হইলু
 আমি, ভাগ্য-শুণে তার !—কি ভাগ্য ? কে জানে
 কোন্ দেবতার বলে বলী ও ফাল্গুনি ?
 বুঝি বা সহায় তার আপনি গোপনে
 দেবেন্দ্র ? হে ধর্ম, তুমি পার কি সহিতে

এ আচার চরাচরে ? কি বিচার তব !
 উপপত্তী কুস্তীর জারজ পুত্র প্রতি
 এত যত্ন ? কারে কব এ দুখের কথা—
 কার বা শরণ, হায়, লব এ বিপদে ?”
 কঙ্কণ-মণ্ডিত বাহু হানিলা ললাটে
 ললনা ! দুকূল সাড়ী তিতি গলগলে
 বহিল আঁখির জল, শিশির যেমতি
 হিমকালে পড়ি আর্দ্রে কমলের দলে !
 “যাইব কলির কাছে” আবার ভাবিলা
 মানিনী—“কুটিল কলি খ্যাত ত্রিভুবনে,—
 এ পোড়া মনের দুঃখ কব তার কাছে,
 এ পোড়া মনের দুঃখ সে যদি না পারে
 জুড়াতে কৌশল করি, কে আর জুড়াবে ?
 যায় যদি মান, যাক্ ! আর কি তা আছে ?”
 ইত্যাদি ।

নীতিগর্ভ কাব্য

ময়ূর ও গৌরী

ময়ূর কহিল কাঁদি গৌরীর চরণে,
 কৈলাস-ভবনে ;—
 “অবধান কর দেবি,
 আমি ভৃত্য নিত্য সেবি
 প্রিয়োক্তম স্মৃতে তব এ পৃষ্ঠ-আসনে ।
 রথী যথা দ্রুত রথে,
 চলেন পবন-পথে
 দাসের এ পিঠে চড়ি সেনানী স্মৃতি ;

তবু, মা গো, আমি দুখী অতি !
 করি যদি কেকা-ধ্বনি,
 ঘৃণায় হাসে অমনি
 খেচর, ভূচর জন্তু ;—মরি, মা, শরমে !
 ডালে মূঢ় পিক যবে
 গায় গীত, তার রবে
 মাতিয়া জগৎ-জন বাখানে অধমে !
 বিবিধ কুম্ম কেশে,
 সাজি মনোহর বেশে,
 বরেন বসুধা দেবী যবে ঋতুবরে
 কোকিল মঙ্গল-ধ্বনি করে ।
 অহরহ কুলধ্বনি বাজে বনস্থলে ;
 নীরবে থাকি, মা, আমি ; রাগে হিয়া জ্বলে
 ঘুচাও কলঙ্ক শুভঙ্করি,
 পুত্রের কিঙ্কর আমি এ মিনতি করি,
 পা দুখানি ধরি ।”
 উত্তর করিলা গৌরী সুমধুর স্বরে ;—
 “পুত্রের বাহন তুমি খ্যাত চরাচরে,
 এ আক্ষেপ কর কি কারণে ?
 হে বিহঙ্গ, অঙ্গ-কাস্তি ভাবি দেখ মনে !
 চন্দ্রককলাপে দেখ নিজ পুচ্ছ-দেশে ;
 রাখাল রাজার সম চূড়াখানি কেশে !
 আখণ্ডল-ধনুর বরণে
 মণ্ডিলা সু-পুচ্ছ ধাতা তোমার সৃজনে !
 সদা জ্বলে তব গলে
 স্বর্ণহার ঝল ঝলে,
 যাও, বাছা, নাচ গিয়া ঘনের গর্জনে,

হরষে সু-পুচ্ছ খুলি
শিরে স্বর্ণ-চূড়া তুলি ;

* * করগে কেলি ব্রজ-কুঞ্জ-বনে ।
করতালি ব্রজাঙ্গনা
দেবে রঞ্জে বরাঙ্গনা—

তোষ গিয়া ময়ুরীরে প্রেম-আলিঙ্গনে !
শুন বাছা, মোর কথা শুন,
দিয়াছেন কোন কোন গুণ,
দেব সনাতন প্রতি-জনে ;

সু-কলে কোকিল গায়,
বাজ বজ্র-গতি ধায়,

অপরূপ রূপ তব, খেদ কি কারণে ?”—
নিজ অবস্থায় সদা স্থির যার মন,
তার হতে সুখীতর অণু কোন জন ?

কাক ও শৃগালী

একটি সন্দেশ চুরি করি,
উড়িয়া বসিলা বৃক্ষোপরি,
কাক, ছুঁই-মনে ;

সুখাচোর বাস পেয়ে,
আইল শৃগালী ধেয়ে,

দেখি কাকে কহে ছুঁই মধুর বচনে ;—

“অপরূপ রূপ তব, মরি !

তুমি কি গো ব্রজের শ্রীহরি,—
গোপিনীর মনোবাঞ্ছা ?—কহ গুণমণি ।

মধুসূদন-গ্রন্থাবলী

হে নব নীরদ-কাস্তি,
 ঘুচাও দাসীর ভ্রাস্তি,
 যুড়াও এ কান দুটি করি বেগু-ধ্বনি !
 পুণ্যবতী গোপ-বধু অতি !
 তেঁই তারে দিলা বিধি,
 তব সম রূপ-নিধি,—
 মোহ হে মদনে তুমি ; কি ছার যুবতী ?
 গাও গীত, গাও, সখে করি এ মিনতি !
 কুড়াইয়া কুসুম-রতনে,
 গাঁথি মালা সুচারু গাঁথনে,
 দোলাইয়া দিব তব * * * *
 দাসীর সাধনে * *
 বাজাও মধুর * *
 বাস-বসে মাতি * * * *
 মজিল * * *
 মুখ খুলি * * *
 * * * খে মু * * *
 * * * গীত আ * * *

রসাল ও স্বর্ণ-লতিকা

রসাল কহিল উচ্ছে স্বর্ণলতিকারে ;—
 “শুন মোর কথা, ধনি, নিন্দ বিধাতারে !
 নিদারুণ তিনি অতি ;
 নাহি দয়া তব প্রতি ;
 তেঁই ক্ষুদ্র-কায়া করি সৃজিলা তোমারে !

* আদর্শপত্রের কয়েক স্থানে দৈবাৎ পোকায় কাটিয়া ফেলিয়াছে ।

মলয় বহিলে, হায়,
 নতশিরা তুমি তায়,
 মধুকর-ভরে তুমি পড় লো ঢলিয়া ;
 হিমাদ্রি সদৃশ আমি,
 বন-বৃক্ষ-কুল-স্বামী,
 মেঘলোকে উঠে শির আকাশ ভেদিয়া !
 কালাগ্নির মত তপ্ত তপন তাপন,—
 আমি কি লো ডরাই কখন ?
 দূরে রাখি গাভী-দলে,
 রাখাল আমার তলে
 বিরাম লভয়ে অনুক্ষণ,—
 শুন, ধনি, রাজ-কাজ দরিদ্র পালন !
 আমার প্রসাদ ভুঞ্জে পথ-গামী জন ।
 কেহ অন্ন রাঁধি খায়
 কেহ পড়ি নিদ্রা যায়
 এ রাজ-চরণে ।
 শীতলিয়া মোর ডরে
 সদা আসি সেবা করে
 মোর অতিথির হেথা আপনি পবন !
 মধু-মাথা ফল মোর বিখ্যাত ভুবনে !
 তুমি কি তা জান না, ললনে ?
 দেখ মোর ডাল-রাশি,
 কত পাখী বাঁধে আসি
 বাসা এ আগারে !
 ধন্য মোর জনম সংসারে !
 কিন্তু তব দুখ দেখি নিত্য আমি দুখী ;
 নিন্দ বিধাতায় তুমি, নিন্দ, বিধুমুখি !”

মধুসূদন-গ্রন্থাবলী

* * * মধুর স্বরে
* * * * রে,
* * * * * * * * ;
* * * * * * * *
* * * * প্রভু,
* * * * দয়ামি * *
* * * * যথা * *

যুদ্ধার্থ গস্তীরতার বাণী তব পানে !

সুধা-আশে আসে অলি,
দিলে সুধা যায় চলি,—

কে কোথা কবে গো দুখী সখার মিলনে ?”

“ক্ষুদ্র-মতি তুমি অতি”

রাগি কহে তরুপতি,

“নাহি কিছু অভিমান ? ধিক্ চন্দ্রাননে !”

নীরবিলা তরুরাজ ; উড়িল গগনে

যমদূতাকৃতি মেঘ গস্তীর স্বননে ;

আইলেন প্রভঞ্জন,

সিংহনাদ করি ঘন,

যথা ভীম ভীমসেন কৌরব-সমরে ।

আইল খাইতে মেঘ দৈত্যকুল রড়ে ;

ঐরাবত পিঠে চড়ি

রাগে দাঁত কড়মড়ি,

ছাড়িলেন বজ্র ইন্দ্র কড় কড় কড়ে !

উরু ভাঙ্গি কুরুরাজে বধিলা যেমতি

ভীম যোধপতি ;

মহাঘাতে মড় মড়ি

রসাল ভূতলে পড়ি,

হায়, বায়ুবলে

হারাইলা আয়ু-সহ দর্প বনস্থলে !
উর্দ্ধশির যদি তুমি কুল মান ধনে ;
করিও না ঘৃণা তবু নীচশির জনে !
এই উপদেশ কবি দিলা এ কৌশলে ॥

অশ্ব ও কুরঙ্গ

১

অশ্ব, নবদূর্ব্বাময় দেশে, বিহরে একেলা অধিপতি ।
নিত্য নিশা অবশেষে শিশিরে সরস দূর্ব্বা অতি ।
বড়ই সুন্দর স্থল, অদূরে নির্ঝরে জল,
তরু, লতা, ফল, ফুল, বন-বীণা অলিকুল ;
মধ্যাহ্নে আসেন ছায়া, পরম শীতল কায়া,
পবন ব্যজন ধরে, পত্র যত নৃত্য করে,
মহানন্দে অশ্বের বসতি ॥

২

কিছু দিনে উজ্জ্বলনয়ন,
কুরঙ্গ সহসা আসি দিল দরশন ।
বিস্ময়ে চৌদিকে চায়, যা দেখে বাগানে তায়,
কতক্ষণে হেরি অশ্বে কহে মনে মনে ;—
“হেন রাজ্যে এক প্রজা এ ছুখ না সহে !
তোমার প্রসাদ চাই, শুন হে বন-গোঁসাই,
আপদে, বিপদে দেব, পদে দিও ঠাই ॥”

৩

এক পার্শ্ব করি অধিকার, আরম্ভিল কুরঙ্গ বিহার ;
 খাইল অনেক ঘাস, কে গণিতে পারে গ্রাস ?
 আহার করণান্তরে করিল পান নির্ঝরে ;
 পরে মৃগ তরুতলে নিদ্রা গেল কুতূহলে—
 গৃহে গৃহস্বামী যথা বলী স্বভবে ॥

৪

বাক্যহীন ক্রোধে অশ্ব, নিরখি এ লীলা,
 ভোজবাজি কিম্বা স্বপ্ন ! নয়ন মুদ্রিলা ;
 উন্মীলি ক্ষণেক পরে কুরঙ্গে দেখিলা,
 রঙ্গে শুয়ে তরুতলে ; দ্বিগুণ আগুন হৃদে জ্বলে ;
 ভীক্ষু ক্ষুর আঘাতনে ধরণী ফাটিল,
 ভীম হ্রেষা গগনে উঠিল ।
 প্রতিধ্বনি চৌদিকে জাগিল ॥

৫

নিদ্রাভঙ্গে মৃগবর কহিলা, “ওরে বর্বর !
 কে তুই, কত বা বল ?
 সৎ পড়সীর মত না থাকিবি, হবি হত ।
 কুরঙ্গের উজ্জ্বল নয়ন ভাঙিল সরোষে যেন দুইটি তপন

৬

হয়ের হৃদয়ে হৈল ভয়, ভাবে এ সামান্য পশু নয়,
 শিরে শৃঙ্গ শাখাময় ।

প্রতি শৃঙ্গ শূলের আকার
বুঝি বা শূলের তুল্য ধার,
কে আমারে দিবে পরিচয় ?

৭

মাঠের নিকটে এক মৃগয়ী থাকিত,
অশ্ব তারে বিশেষ চিনিত ।
ধরিতে এ অশ্ববরে, নানা ফাঁস নিরন্তরে
মৃগয়ী পাতিত ।
কিন্তু সৌভাগ্যের বলে, তুরঙ্গম মায়া-ছলে
কভু না পড়িত ॥

৮

কহিল তুরঙ্গ ;—“পশু উচ্চশৃঙ্গধারী—
মোর রাজ্য এবে অধিকারী ;
না চাহিল অনুমতি, কর্কশভাষী সে অতি ;
হও হে সহায় মোর, মারি ছুই জনে চোর ॥”

৯

মৃগয়ী করিয়া প্রতারণা, কহিলা, “হা ! এ কি বিড়ম্বনা !
জানি সে পশুরে আমি, বনে পশুকুলে স্বামী,
শার্দূলে, সিংহেরে নাশে, দন্ধে বন বিষম্বাসে ;
একমাত্র কেবল উপায় ;—
মুখস ও মুখে পর, পৃষ্ঠে চর্ম্মাসন ধর,
আমি সে আসনে বসি, করে ধনুর্কাণ অসি,
তা হলে বিজয় লভা যায় ॥”

১০

হায় ! ক্রোধে অন্ধ অশ্ব, কুছলে ভুলিল ;
 লাফে পৃষ্ঠে ছুঁষ্ট সাদী অমনি চড়িল ।
 লোহার কণ্টকে গড়া অস্ত্র, বাঁধা পাছুকায়,
 তাহার আঘাতে প্রাণ যায় ।
 মুখস নাশিল গতি, ভয়ে হয় ক্ষিপ্তমতি,
 চলে সাদী যে দিকে চালায় ॥

১১

কোথা অরি, কোথা বন, সে সুখের নিকেতন
 দিনান্তে হইলা বন্ধী আঁধার-শালায় ।
 পরের অনিষ্ট হেতু ব্যগ্র যে দুর্মতি,
 এই পুরস্কার তার কহেন ভারতী ;
 ছায়া সম জয় যায় ধর্মের সংহতি ॥

দেবদৃষ্টি

শচী সহ শচীপতি স্বর্ণ-মেঘাসনে,
 বাহিরিলা বিশ্ব দরশনে ।
 আরোহি বিচিত্র রথ,
 চলে সঙ্গে চিত্ররথ,
 নিজদলে বিমণ্ডিত অস্ত্র আভরণে,
 রাজাজ্জায় আশুগতি বহিলা বাহনে ।
 হেরি নানা দেশ সুখে,
 হেরি বহু দেশ দুঃখে—

ধর্মের উন্নতি কোন্ স্থলে ;
 কোথাও বা পাপ শাসে বলে—
 দেব অগ্রগতি বক্ষে উতরিল ।
 কহিলা মাহেন্দ্র সতী শচী সুলোচনা,
 কোন্ দেশে এবে গতি,
 কহ হে প্রাণের পতি,
 এ দেশের সহ কোন্ দেশের তুলনা ?
 উত্তরিলো মধুর বচনে
 বাসব, লো চন্দ্রাননে,
 বঙ্গ এ দেশের নাম বিখ্যাত জগতে ।
 ভারতের প্রিয় মেয়ে
 মা নাই তাহার চেয়ে
 নিত্য অলঙ্কৃত হীরা, মুক্তা, মরকতে ।
 সম্মুখে জাহ্নবী তারে
 মেখলেন চারি ধারে
 বরুণ ধোয়েন পা ছ'খানি ।
 নিত্য রক্ষকের বেশে
 ত্রিমাঙ্গি উত্তর দেশে
 পরেশনাথ আপনি
 শিরে তার শিরোমণি
 সেই এই বঙ্গভূমি শুন লো ইন্দ্রাণি !
 দেবাদেশে আশুগতি
 চলিলেন যুগুতি
 উঠিল সহসা ধ্বনি
 সভয়ে শচী অমনি ইন্দ্রের সুধিলা,—
 নীচে কি হতেছে রণ
 কহ সখে বিবরণ

মধুসূদন-গ্রন্থাবলী

হেন দেশে হেন শব্দ কি হেতু জন্মিলা ?
 চিত্ররথ হাত জোড় করি,
 কহে, শুন, ত্রিদিব-ঈশ্বর !
 ‘বিবাহ করিয়া এক বালক যাইছে,
 পত্নী আসে দেখ তার পিছে।’
 সুধাংশুর অংশুরূপে নয়ন-কিরণ
 নৌচদেশে পড়িল তখন ।

গদা ও সদা

গদা সদা নামে
 কোন এক গ্রামে
 ছিল দুই জন ।
 দূর দেশে যাইতে হইল ;
 দুজনে চলিল ।
 ভয়ানক পথ—পাশে পশু ফণী বন,
 ভল্লক শার্দূল তাহে গড়ে অনুক্ষণ ।
 কালসর্প যেমতি বিবরে,
 তস্কর লুকায়ে থাকে গিরির গহ্বরে ;
 পথিকের অর্থ অপহরে,
 কখন বা প্রাণনাশ করে ।
 কহে সদা গদারে আহ্বানি
 কর কিরা পশি মোর পাণি
 ধর্ম্মে সাক্ষী মানি,
 আজি হতে আমরা দুজন
 হ’লু একপ্রাণ একমন,—
 সিন্ধু অনুসিন্ধু যথা—জান সে কাহিনী ।

আমার মঙ্গল যাহে,
তোমার মঙ্গল তাহে,
কবচে ভেদিলে বাণ, বক্ষ ক্ষত যথা,
অমঙ্গলে অমঙ্গল উভয়ের তথা ।

কহে গদা ধর্মসাক্ষী করি,
কিরা মোর তব কর ধরি,
একাত্মা আমরা দৌহে কি বাঁচি কি মরি ।
এইরূপে মৈত্র আলাপনে
মনানন্দে চলিলা ছুজনে ।
সতর্ক রক্ষকরূপে সদা গদা যেন
বন পাশে একদৃষ্টে চাহে অনুক্ষণ,
পাছে পশু সহসা করয়ে আক্রমণ ।
গদা চারি দিকে চায়,
এরূপে উভয়ে যায় ;

দেখে গদা সম্মুখে চাতিয়া
থলো এক পথেতে পড়িয়া ।
দৌড়ে মৃঢ় থলো তুলি
হেরে কুতূহলে খুলি
পূর্ণ থলো স্তবর্ণমুদ্রায়,
তোলা ভার, এত ভারি তায় ।

কহে গদা সহাস বদনে
করেছিনু যাত্রা আজি অতি শুভক্ষণে
আমরা ছুজনে ।

‘ছুজনে ?’ কহিল সদা রাগে,
‘লোভ কি করিস্ তুই এ অর্থের ভাগে ?
মোর পূর্ব পুণ্যফলে
ভাগ্যদেবী এই ছলে

মোরে অর্থ দিলা ।

পাপী তুই, অংশ তোরে

কেন দিব, ক' তা মোরে

এ কি বাললীলা ?

রবির করের রাশি পরশি রতনে

বরাঙ্গের আভা তার বাড়ায় যতনে ;

কিন্তু পড়ি মাটির উপরে

সে কর কি কোন ফল ধরে ?

সং যে তাহার শোভা ধনে,

অসং নিতান্ত তুই, জনম কুক্ষণে ।'

এই কয়ে সদানন্দ থলো তুলে লয়ে

চলিতে লাগিলা সুখে অগ্রসর হয়ে ।

বিস্ময়ে অবাক্ গদা চলিল পশ্চাতে,—

বামন কি কভু পায় চারু চাঁদে হাতে ?

এই ভাবি অতি ধীরে ধীরে

গেল গদা তিতি অশ্রুণীরে ।

তুই পাশে শৈলকুল ভীষণ-দর্শন,

শৃঙ্গ যেন পরশে গগন ।

গিরিশিরে বরষায় প্রবলা যেমতি

ভীমা শ্রোতস্বতী,

পথিক দুজনে হেরি তঙ্করের দল

নাবি নীচে করি কোলাহল

উভে আক্রমিল ।

সদা অতি কাতরে কহিল,—

শুন ভাই, পাঞ্চালে যেমতি,

বিষ্ণু রথিপতি,

জিনি লক্ষ রাজে শূর কৃষ্ণায় লভিল,

মার চোরে করি রণ-লীলা ।
এই ধন নিও পরে বাঁটি
হিসাবে করিয়া আঁটাআঁটি,
তস্করদলের মাথা কাটি ।

কহে গদা, পাপী আমি, তুমি সৎজন,
ধর্মবলে নিজধন করহ রক্ষণ ।

তস্কর-কুল-ঈশ্বরে
কহিল সে যোড়করে,
অধিপতি ওই জন ভাই,
সঙ্গী মাত্র আমি ওর, ধর্মের দোহাই ।
সঙ্গী মাত্র যদি তুই, যা চলি বর্ষর,
নতুবা ফেলিব কাটি, কহিল তস্কর ।
ফাঁদে বাঁধা পাখী যথা পাইলে মুক্তি,
উড়ি যায় বায়ুপথে অতি দ্রুতগতি,
গদা পলাইল ।

সদানন্দ নিরানন্দে বিপদে পড়িল ।
আলোক থাকিতে তুচ্ছ কর তুমি যারে,
বঁধু কি তোমার কহু হয় সে আধারে ?
এই উপদেশ কবি দিলা এ প্রকারে ।

কুকুট ও মণি

খুঁটিতে খুঁটিতে ক্ষুদ কুকুট পাইল

একটি রতন ;—

বণিকে সে ব্যাগ্রে জিজ্ঞাসিল ;—

“ঠোঁটের বলে না টুটে, এ বস্তু কেমন ?”

মধুসূদন-প্রস্থাবলী

বণিক্ কহিল,—“ভাই,
এ হেন অমূল্য রত্ন, বুঝি, ছুটি নাই !”
হাসিল কুকুট শূনি ;—“তুণ্ডলের কণা
বহুমূল্যতর ভাবি ;—কি আছে তুলনা ?”
“নহে দোষ তোর, মূঢ়, দৈব এ ছলনা,
জ্ঞান-শূণ্য করিল গৌসাই !”—
এই কয়ে বণিক্ ফিরিল ।

মূর্থ যে, বিচার মূল্য কভু কি সে জানে ?
নর-কুলে পশু বলি লোকে তারে মানে ;—
এই উপদেশ কবি দিলা এই ভানে ।

সূর্য ও মৈনাক-গিরি

উদয়-অচলে,
দিবা-মুখে এক-চক্রে দিলা দরশন,
অংশু-মালা গলে,
বিতরি সুবর্ণ-রশ্মি চৌদিকে তপন ।
ফুটিল কমল জলে
সূর্যামুখী মুখে স্তলে,
কোকিল গাইল কলে,
আমোদি কানন ।
জাগে বিশ্বে নিদ্রা ত্যজি বিশ্ববাসী জন ;
পুনঃ যেন দেব স্রষ্টা সৃজিলা মহীরে ;
সজীব হইলা সবে জনমি, অচিরে ।
অবহেলি উদয়-অচলে,
শূণ্য-পথে রথবর চলে ;

বাড়িতে লাগিল বেলা,
 পদ্মের বাড়িল খেলা,
 রজনী তারার মেলা সর্বত্র ভাঙ্গিল ;—
 কর-জালে দশ দিক্ হাসি উজলিল ।
 উঠিতে লাগিলা ভানু নীল, নভঃস্থলে ;
 দ্বিতীয়-তপন-রূপে নীল সিন্ধু-জলে
 মৈনাক ভাসিল ।

কহিল গম্ভীরে শৈল দেব দিবাকরে ;—
 “দেখি তব ধীর গতি দুখে আখি ঝরে ;
 পাও যদি কষ্ট,—এস, পৃষ্ঠাসন দিব ;
 যেখানে উঠিতে চাও, সবলে তুলিব ।”
 কহিলা হাসিয়া ভানু ;—“ভূমি শিষ্টমতি ;
 দৈববলে বলী আমি, দৈববলে গতি ।”

মধ্যাকাশে শোভিল তপন,—
 উজ্জ্বল-যৌবন, প্রচণ্ড-কিরণ
 তাপিল উদ্ভাপে মতী ; পবন বহিলা
 আগুনের শ্বাস-রূপে ; সব শুকাইলা—
 শুকাল কাননে ফুল ;
 প্রাণিকুল ভয়াকুল ;
 জলের শীতল দেহ দহিয়া উঠিল ;
 কমলিনী কেবল হাসিল !
 হেন কালে পতনের দশা,
 আ মরি ! সহসা
 আমি উতরিল ;—
 চিরগায় রাজাসন ত্যজিতে হইল ।

মধুসূদন-গ্রন্থাবলী

অধোগামী এবে রবি,
 বিষাদে মলিন-ছবি,
 হেরি মৈনাকেরে পুনঃ নীল সিন্ধু-জলে,
 সম্ভাষি কহিলা কুতূহলে ;—
 “পাইতেছি কষ্টে, ভাট্ট, পূর্কাসন লাগি ;
 দেহ পৃষ্ঠাসন এবে, এই বর মাগি ;
 লও ফিরে মোরে, সখে, ও মধ্য-গগনে ;—
 আবার রাজত্ব করি, এই ইচ্ছা মনে ।”

হাসি উত্তরিল শৈল ;—“হে গুট তপন,
 অধঃপাতে গতি যার কে তার রক্ষণ !
 রমার থাকিলে কুপা, সবে ভালবাসে ;—
 কঁাদ যদি, সঙ্গে কঁাদে ; হাস যদি, হাসে ;
 ঢাকেন বদন যবে মাধব-রমণী,
 সকলে পলায় রড়ে, দেখি যেন ফণী ।”

মেঘ ও চাতক

উড়িল আকাশে মেঘ গরজি ভৈরবে ;—
 ভানু পলাইল ত্রাসে ;
 • তা দেখি তড়িৎ হাসে ;
 বহিল নিশ্বাস ঝড়ে ;
 ভাঙ্গে তরু মড়-মড়ে ;
 গিরি-শিরে চূড়া নড়ে,
 যেন ভূ-কম্পনে ;
 অধীরা সভয়ে ধরা সাধিলা বাসবে ।

আইল চাতক-দল,
মাগি কোলাহলে জল—

“তুমায় আকুল মোরা, ওহে ঘনপতি !
এ জ্বালা জুড়াও, প্রভু, করি এ মিনতি ।”
বড় মানুষের ঘরে ব্রতে, কি পরবে,
ভিখারী-মণ্ডল যথা আসে ঘোর রবে ;—

কেহ আসে, কেহ যায় ;
কেহ ফিরে পুনরায়
আবার বিদায় চায় ;
ত্রস্ত লোভে সবে ;—
সেৰূপে চাতক-দল,
উড়ি করে কোলাহল ;—

“তুমায় আকুল মোরা, ওহে ঘনপতি !
এ জ্বালা জুড়াও জলে, করি এ মিনতি ।”

রোষে উত্তরিলো ঘনবর ;—
“অপরে নির্ভর যার, অতি সে পামর !
বায়ু-রূপ দ্রুত রথে চড়ি,
সাগরের নীল পায়ে পড়ি,
আনিয়াছি বারি ;—
ধরার এ ধার ধারি ।

এই বারি পান করি,
মেদিনী সুন্দরী
বৃক্ষ-লতা-শস্যচয়ে
স্তন-ছক্ষ বিতরয়ে

শিশু যথা বল পায়,
সে রসে তাহারা খায়,
অপরূপ রূপ-সুধা বাড়ে নিরন্তর ;
তাহারা বাঁচায়, দেখ, পশু-পক্ষী-নর ।

নিজে তিনি হীন-গতি ;
জল গিয়া আনিবারে নাহিক শক্তি ;
তেঁই তাঁর হেতু বারি-ধারা ।—
তোমরা কাহারা ?
তোমাদের দিলে জল,
কভু কি ফলিবে ফল ?
পাখা দিয়াছেন বিধি ;
যাও, যথা জলনিধি ;—
যাও, যথা জলাশয় ;—
নদ-নদী-তড়াগাদি, জল যথা রয়
কি গ্রীষ্ম, কি শীত কালে,
জল যেখানে পালে,
সেখানে চলিয়া যাও, দিহু এ যুক্তি ।”

চাতকের কোলাহল অতি ।
ক্রোধে তড়িতে ঘন কহিলা,—
“অগ্নি-বাণে তাড়াও এ দলে ।”—
তড়িৎ প্রভুর আজ্ঞা মানিলা ।
পলায় চাতক, পাখা জলে ।

যা চাহ, লভ তা সদা নিজ-পরিশ্রমে ;
এই উপদেশ কবি দিলা এই ক্রমে ।

পীড়িত সিংহ ও অন্যান্য পশু

অধিক-বয়স-ভরে হয়ে হীন-গতি,
সিংহ কৃশ অতি ।
জনরব-রূপ-শ্রোতে,
ভাসাল ঘোষণা-পোতে,
এই কথা ;—“মৃগরাজ মগ্ন রাজকাজে ;
প্রজাবর্গ, রাজপুরে পূজ কুল-রাজে ।”

প্রভু-ভক্তি-মদে ঘাতি
কুরঙ্গ, তুরঙ্গ, হাতী,
করে করি রাজকর,
পালা-মতে নিরন্তর,
গেলা চলি রাজ-নিকেতনে,
অতি ছষ্ট মনে ।

শৃগাল-কুলের পালা আসি উত্তরিল ;
কুল-মন্ত্রী সভা আহ্বানিল ;
কি ভেট, কি উপহার,
কি পানায়, কি আহার,—
এই লয়ে ঘোর তর্ক-বিতর্ক হইল ।
হেন কালে আর মন্ত্রী সভাসে কহিল ;—
“তর্কের যে অলঙ্কার তোমরা সকলে,—
এ বিশ্বে এ বিশ্ব-জনে বলে ;
কিন্তু কহ দেখি, শুনি, কেন স্থানে-স্থানে
বহুবিধ পদ-চিহ্ন রাজ-গৃহ-পানে ?—
ফিরে যে আসিছে, তার চিহ্ন কে মুছিল ?”

চতুর যে সর্বদর্শী, বিপদের জালে
পদ তার পড়িতে পারে কোন্ কালে ?

সিংহ ও মশক

শঙ্খনাদ করি মশা সিংহে আক্রমিল ;

ভব-ভলে যত নর,

ত্রিদিবে যত অমর,

আর যত চরাচর,

হেরিতে অদ্ভুত যুদ্ধ দৌড়িয়া আইল ।

ছল-রূপ শূলে বীর, সিংহেরে বিধিল !

অধীর ব্যথায় হরি,

উচ্চ-পুচ্ছে ক্রোধ করি,

কহিলা ;—“কে তুই, কেন

বৈরিভাব তোর হেন ?

গুপ্তভাবে কি জন্ম লড়াই ?—

সম্মুখ-সমর কর ; তাই আমি চাই ।

দেখিব বীরত্ব কত দূর,

আঘাতে করিব দর্প-চূর ;

লঙ্ঘনের মুখে কালি

ইন্দ্রজিতে জয়-ডালি,

দিয়াছে এ দেশে কবি ।”

কহে মশা ;—“ভীক, মহাপাপি,

যদি বল থাকে, বিষম-প্রতাপি,

অণায়-ণায়-ভাবে,

ক্ষুধায় যা পায়, খাবে ;

ধিক্, ছুষ্টমতি !

মারি তোরে বন-জীবে দিব, রে, কু-মতি

বিবিধ : সিংহ ও মশক

হইল বিষম রণ, তুলনা না মিলে ;

ভীম ছুর্যোধনে,

ঘোর গদা-রণে,

হৃদ দ্বৈপায়নে,

তীরস্থ সে রণ-ছায়া পড়িল মলিলে ;

ডরাইয়া জল-জীবী জল-জন্তুচয়ে,

সভয়ে মনেতে ভাবিল,

প্রলয়ে বুঝি এ বীরেন্দ্র-দ্বয় এ সৃষ্টি নাশিল !

মেঘনাদ মেঘের পিছনে,

অদৃশ্য আঘাতে যথা রণে ;

কেহ তারে মারিতে না পায়,

ভয়ঙ্কর স্বপ্নসম আসে,—এসে যায়,

জর-জরি শ্রীরামের কটক লঙ্কায় ।

কভু নাকে, কভু কাণে,

ত্রিশূল-সদৃশ হানে

ভুল, মশা বীর ।

না হেরি অরিরে হরি,

মুহুমুহু নাদ করি,

হইলা অধীর ।

হায় ! ক্রোধে হৃদয় ফাটিল ;—

গত-জীব মৃগরাজ ভূতলে পড়িল !

ক্ষুদ্র শত্রু ভাবি লোক অবহেলে যারে,

বহুবিধ সঙ্কটে সে ফেলাইতে পারে ;—

এই উপদেশ কবি দিলা অলঙ্কারে ।

ঢাকাবাসীদিগের অভিনন্দনের উত্তরে

নাহি পাই নাম তব বেদে কি পুরাণে,
কিন্তু বঙ্গ-অলঙ্কার তুমি যে তা জানি
পূর্ব-বঙ্গে । শোভ তুমি এ সুন্দর স্থানে
ফুলবৃন্তে ফুল যথা, রাজাসনে রাণী ॥
প্রতি ঘরে বাঁধা লক্ষ্মী (থাকে এইখানে)
নিত্য অতিথিনী তব দেবী বীণাপাণি ।
পাড়ায় দুর্বল আমি, তেঁই বুঝি আনি
সৌভাগ্য, অপীলা মোরে (বিধির বিধানে)
তব করে, হে সুন্দরি ! বিপজ্জাল যবে
বেড়ে কারো, মহৎ যে সেই তার গতি ।
কি হেতু মৈনাক গিরি ডুবিল অর্ণবে ?
দ্বৈপায়ন হৃদতলে কুরুকুলপতি ?
যুগে যুগে বসুন্ধরা সাধেন মাধবে,
করিও না ঘৃণা মোরে, তুমি, ভাগ্যবতি !

পুরুলিয়া*

পাষণময় যে দেশ, সে দেশে পড়িলে
বীজকুল, শস্য তথা কখন কি ফলে ?
কিন্তু কত মনানন্দ তুমি মোরে দিলে,
হে পুরুল্যে ! দেখাইয়া ভকত-মণ্ডলে !
শ্রীভ্রষ্ট সরস সম, হায়, তুমি ছিলে,
অজ্ঞান-তিমিরাচ্ছন্ন এ দূর জঙ্গলে ;

* পুরুলিয়ার খ্রীষ্ট-মণ্ডলীকে লক্ষ্য করিয়া লিখিত ।

বিবিধ : পরেশনাথ গিরি

এবে রাশি রাশি পদ্য ফোটে তব জলে,
পরিমল-ধনে ধনী করিয়া অনিলে !
প্রভুর কি অনুগ্রহ ! দেখ ভাবি মনে,
(কত ভাগ্যবান্ তুমি কব তা কাহারে ?)
রাজাসন দিলা তিনি ভূপতিত জনে !
উজলিলা মুখ তব বঙ্গের সংসারে ;
বাড়ুক সৌভাগ্য তব এ প্রার্থনা করি,
ভাসুক সত্যতা-স্রোতে নিত্য তব তরি ।

পরেশনাথ গিরি

হেরি দূরে উর্দ্ধশিরঃ তোমার গগনে,
অচল, চিত্রিত পটে জীমূত যেমতি ।
ব্যোমকেশ তুমি কি হে, (এই ভাবি মনে)
মজি তপে, ধরেছ ও পাষণ-মূরতি ?
এ হেন ভীষণ কায়া কার বিশ্বজনে ?
তবে যদি নহ তুমি দেব উমাপতি,
কহ, কোন্ রাজবীর তপোব্রতে ব্রতী—
খচিত শিলার বর্ষ কুম্ভ-রতনে
তোমার ? যে হর-শিরে শশিকলা হাসে,
সে হর কিরীটরূপে তব পুণ্য শিরে
চিরবাসী, যেন বাঁধা চিরপ্রেমপাশে !
হেরিলে তোমায় মনে পড়ে ফাল্গুনিরে
সেবিলা বীরেশ যবে পাশুপত আশে
ইন্দ্রকীল নীলচূড়ে দেব ধূজ্জটিরে ।

কবির ধর্মপুত্র

(শ্রীমান্ ঐষ্টদাস সিংহ)

হে পুত্র, পবিত্রতর জনম গৃহিলা
আজি তুমি, করি স্নান যদনের নীরে
সুন্দর মন্দির এক আনন্দে নিশ্চিলা
পবিত্রাত্মা বাস হেতু ও তব শরীরে ;
সৌরভ কুসুমে যথা, আসে যবে ফিরে
বসন্ত, হিমালুকালে । কি ধন পাইলা—
কি অমূল্য ধন বাছা, বুঝিবে অচিরে,
দৈববলে বলী তুমি, শুন হে, হইলা !
পরম সৌভাগ্য তব । ধর্ম-বর্ম ধরি
পাপ-রূপ রিপু নাশো এ জীবন-স্থলে ;
বিজয়-পতাকা তোলি রথের উপরি ;
বিজয় কুমার সেই, লোকে যারে বলে
ঐষ্টদাস, লভো নাম, আশীর্বাদ করি,
জনক জননী সহ, প্রেম কুতূহলে !

পঞ্চকোট গিরি

কাটিল মহেন্দ্র মর্ত্যে বজ্র প্রহরণে
পর্বতকুলের পাখা ; কিন্তু হীনগতি
সে জন্তু নহ হে তুমি, জানি আমি মনে,
পঞ্চকোট ! রয়েছ যে,—লঙ্কায় যেমতি
কুন্তকর্ণ,—রক্ষ, নর, বানরের রণে—
শূণ্যপ্রাণ, শূণ্যবল, তবু ভীমাকৃতি,—
রয়েছ যে পড়ে হেথা, অশ্রু সে কারণে ।

বিবিধ : পঞ্চকোটস্থ রাজশ্রী

কোথায় সে রাজলক্ষ্মী, যার স্বর্ণ-জ্যোতি
উজ্জলিত মুখ তব ? যথা অস্তাচলে
দিনান্তে ভানুর কাস্তি । তেয়গি তোমায়
গিয়াছেন দূরে দেবী, তেঁই হে ! এ স্থলে,
মনোহুঃখে মৌন ভাব তোমার ; কে পারে
বুঝিতে, কি শোকানল ও হৃদয়ে জ্বলে ?
মণিহারা ফণী তুমি রয়েছ অঁধারে ।

পঞ্চকোটস্থ রাজশ্রী

হেরিনু রমারে আমি নিশার স্বপনে ;
হাঁটু গাড়ি হাতী ছুটি শুঁড়ে শুঁড়ে ধরে—
পদ্মাসন উজ্জলিত শতরত্ন-করে,
ছুই মেঘরাশি-মাঝে, শোভিছে অশ্বরে,
রবির পরিধি যেন । রূপের কিরণে
আলো করি দশ দিশ ; হেরিনু নয়নে,
সে কমলাসন-মাঝে ভূলাতে শঙ্করে
রাজরাজেশ্বরী, যেন কৈলাস-সদনে ।
কহিলা বাগ্‌দেবী দাসে (জননী যেমতি
অবোধ শিশুরে দীক্ষা দেন প্রেমাদরে),
“বিবিধ আছিল পুণ্য তোার জন্মান্তরে,
তেঁই দেখা দিলা তোরে আজি হৈমবতী
যেরূপে করেন বাস চির রাজ-ঘরে
পঞ্চকোট :—পঞ্চকোট—ওই গিরিপতি ।”

পঞ্চকোট-গিরি বিদায়-সঙ্গীত

হেরেছি, গিরিবর ! নিশার স্বপনে,
অদ্ভুত দর্শন !
হাঁটু গাড়ি হাতী ছুটি শুঁড়ে শুঁড়ে ধরে,
কনক-আসন এক, দীপ্ত রত্ন-করে
দ্বিতীয় তপন !
যেই রাজকুলখ্যাতি তুমি দিয়াছিলি,
সেই রাজকুললক্ষ্মী দাসে দেখা দিলা,
শোভি সে আসন
হে সখে ! পাষণ তুমি, তবু তব মনে
ভাবরূপ উৎস, জানি, উঠে সর্বক্ষণে ।
ভেবেছি, গিরিবর ! রমার প্রসাদে,
তাঁর দয়াবলে,
ভাঙা গড় গড়াইব, জলপূর্ণ করি
জলশূণ্য পরিখায় ; ধনুর্বাণ ধরি ছারিগণ
আবার রক্ষিবে দ্বার অতি কুতূহলে ।

সমাধি-লিপি

দাঁড়াও, পথিক-বর, জন্ম যদি তব
বঙ্গে ! তিষ্ঠ ক্ষণকাল ! এ সমাধিস্থলে
(জননীর কোলে শিশু লভয়ে যেমতি
বিরাম) মহীর পদে মহানিদ্রাবৃত
দত্তকুলোদ্ভব কবি শ্রীমধুসূদন !

বিবিধ : পাণ্ডববিজয়

যশোরে সাগরদাঁড়ী কবতক্ষ-তীরে
জন্মভূমি, জন্মদাতা দত্ত মহামতি
রাজনারায়ণ নামে, জননী জাহ্নবী !

পাণ্ডববিজয়

প্রথম সর্গ

কেমনে সংহারি রণে কুরুকুলরাজে,
কুরুকুল-রাজাসন লভিলা ছাপরে
ধর্মরাজ ;—সে কাহিনী, সে মহাকাহিনী,
নব রঙ্গে বঙ্গজনে, উরি এ আসরে,
কহ, দেবি ! গিরি-গৃহে সূকালে জনমি
(আকাশ-সম্ভবা ধাত্রী কাদম্বিনী দিলে
স্তনামৃতরূপে বারি) প্রবাহ যেমতি
বহি, ধায় সিঙ্কুমুখে, বদরিকাশ্রমে,
ও পদ-পালনে পুষ্ট কবি-মনঃ, পুনঃ
চলিল, হে কবি-মাতঃ, যশের উদ্দেশে ।
যথা সে নদের মুখে সুমধুর ধ্বনি,
বহে সে সঙ্গীতে যবে মঞ্জু কুঞ্জান্তরে
সমদেশে ; কিন্তু ঘোর কল্লোল, যেখানে
শিলাময় স্থল রোধে অবিরলগতি ;—
দাসের রসনা আসি রস নানা রসে,
কভু রৌদ্রে, কভু বীরে, কভু বা করুণে—
দেহ ফুলশরাসন, পঞ্চফুলশরে ।

দুর্যোধনের মৃত্যু

“দেখ, দেব, দেখ চেয়ে”, কাতরে কহিল।
কুরুরাজ কৃপাচার্য্যে,—“আসিছেন ধীরে
নিশীথিনী ; নাহি, তারা কবরী-বন্ধনে,—
না শোভে ললাটদেশে চারু নিশামণি !
শিবির-বাহিরে মোরে লহ কৃপা করি,
মহারথ ! রাখ লয়ে, যথায় ঝরিবে
এ ভূনত-শিরে এবে শিশিরের ধারা,
ঝরে যথা শিশুশিরে অবিরল বহি
জননীর অশ্রুজল, কালগ্রাসে যবে
সে শিশু ।” লইলা সবে ধরাধরি করি
শিবির-বাহিরে শূরে—ভগ্ন-উরু রণে !

মহাযত্নে কৃপাচার্য্য পাতিল ভূতলে
উত্তরী । বিষাদে হাসি কহিল। নৃমণি ;—
“কার হেতু এ শূন্যতা, কৃপাচার্য্য রথি ?
পড়িলু ভূতলে, প্রভু, মাতৃগর্ভ ত্যজি ;—
সেই বাল্যাসন ভিন্ন কি আসন সাজে
অস্ত্রমে ? উঠাও বস্ত্র, বসি হে ভূতলে !
কি শয়্যায় সুপ্ত আজি কুরুবীর্য্যরূপী
গান্ধেয় ? কোথায় গুরু দ্রোণাচার্য্য রথী,
কোথা অঙ্গপতি কর্ণ ? আর রাজা যত
ক্ষত্র-ক্ষেত্র-পুষ্প, দেব ! কি সাধে বসিবে
এ হেন শয়্যায় হেথা দুর্যোধন আজি ?
যথা বনমাঝে বহি জ্বলি নিশায়োগে
আকর্ষি পতঙ্গচয়ে, ভস্মেন তা সবে
সর্বভুক—রাজদলে আহ্বানি এ রণে—

বিনাশিনু আমি, দেব ! নিঃকৃত্ত করিনু
 কৃত্তপূর্ণ কর্মক্ষেত্র নিজ কর্মদোষে ।
 কি কাজ আমার আর বৃথা সুখভোগে ?
 নির্বাণ পাবক আমি, তেজশূন্য, বলি !
 ভস্মমাত্র ! এ যতন বৃথা কেন তব !”

সরায়ে উত্তরী শূর বসিলা ভূতলে ।
 নিকটে বসিলা কৃপ কৃতবর্ষা রথী
 বিষাদে নীরব দৌছে ;—আসি নিশীথিনী,
 মেঘরূপ ঘোমটায় বদন আবরি,
 উচ্চ বায়ু-রূপ শ্বাসে সঘনে নিশ্বাসি ;—
 বৃষ্টি-ছলে অশ্রুবারি ফেলিলা ভূতলে ।
 কাতরে কহিলা চাহি কৃতবর্ষা পানে
 রাজেন্দ্র ; “এ হেন ক্ষেত্রে, ক্ষত্রচূড়ামণি,
 ক্ষত্র-কুলোদ্ভব, কহ, কে আছে ভারতে,
 যে না ইচ্ছে মরিবারে ? যেখানে, যে কালে
 আক্রমেন যমরাজ ; সমপীড়া-দায়ী
 দণ্ড তাঁর,—রাজপুরে, কি ক্ষুদ্র কুটীরে,
 সম ভয়ঙ্কর প্রভু, সে ভীম মূরতি !
 কিন্তু হেন স্থলে তাঁরে আতঙ্ক না করি
 আমি !—এই সাধ ছিল চিরকাল মনে !
 যে স্তম্ভের বলে, শির উঠায় আকাশে
 উচ্চ রাজ-অট্টালিকা ; সে স্তম্ভের রূপে
 ক্ষত্রকুল-অট্টালিকা ধরিনু স্ববলে
 ভূভারতে । ভূপতিত এবে কালে আমি ;
 দেখ চেয়ে চারি দিকে ভগ্ন শত ভাগে
 সে সুঅট্টালিকা চূর্ণ এ মোর পতনে !
 গড়ায় এক্ষেত্রে পড়ি গৃহচূড়া কত !

আর যত অলঙ্কার—কার সাধ্য গণে ?
 কিন্তু চেয়ে দেখ সবে, কি আশ্চর্য্য ! দেখ-
 রকত বরণে দেখ, সহসা আকাশে
 উদিচ্ছেন এ পৌরব বংশ-আদি যিনি,
 নিশানাথ ! হৃষ্যেধনে ভূশয্যায় হেরি
 কুবরন হইলা কি শোকে সুধানিধি ?”
 পাণ্ডব-শিবির পানে ক্ষণেক নিরখি
 উত্তরিলো কৃপাচার্য্য ;—“হে কৌরবপতি,
 নহে চন্দ্র যাহা, রাজা, দেখিছ আকাশে,
 কিন্তু বৈজয়ন্তী তব সর্বভুকরূপে !
 রিপুকুল-চিতা, দেব, জ্বলিয়া উঠিল ।
 কি বিষাদ আর তবে ? মরিছে শিবিরে
 অগ্নি-তাপে ছটফটি ভীম হৃষ্টমতি ;
 পুড়িছে অর্জুন, রায়, তার শরানলে,
 পুড়িল যেমতি হেথা সৈন্যদল তব !
 অস্ত্রমে পিতায় স্মরে যুধিষ্ঠির এবে ;
 নকুল ব্যাকুলচিত সহদেব সহ !
 আর আর বীর যত এ কাল সমরে
 পাইয়াছে রক্ষা যারা, দাবদন্ধ বনে
 আশে পাশে তরু যথা ;—দেখ মহামতি !

• সিংহল-বিজয়

স্বর্ণসৌধে সুধাধরা যক্ষেন্দ্রমোহিনী
 মুরজা, গুনি সে ধ্বনি অলকা নগরে,
 বিস্ময়ে সাগর পানে নিরখি, দেখিলা
 ভাসিছে সুন্দর ডিঙ্গা, উড়িছে আকাশে

পতাকা, মঙ্গলবাণ বাজিছে চৌদিকে !
 কৃষি সতী শশিমুখী সখীরে কহিলা ;—
 হেদে দেখ, শশিমুখি, আঁখি দুটি খুলি,
 চলিছে সিংহলে ওই রাজ্যলাভ-লোভে
 বিজয়, স্বদেশ ছাড়ি লক্ষ্মীর আদেশে ।
 কি লজ্জা ! থাকিতে প্রাণ না দিব লইতে
 রাজ্য ওরে আমি, সই ! উদ্যানস্বরূপে
 সাজানু সিংহলে কি লো দিতে পরজনে ?
 জ্বলে রাগে দেহ, যদি স্মরি শশিমুখি,
 কমলার অহঙ্কার ; দেখিব কেমনে
 স্বদাসে আমার দেশ দানেন ইন্দিরা ?
 জলধি জনক তাঁর ; তেঁই শাপ্ত তিনি
 উপরোধে । যা, লো সই, ডাকু সারথিরে
 আনিতে পুষ্পকে হেথা । বিরাজেন যথা
 বায়ুরাজ, যাব আজি ; প্রভঞ্নে লয়ে
 বাধাব জঞ্জাল, পরে দেখিব কি ঘটে ?
 স্বর্ণভেজঃপুঞ্জ রথ আইল দুয়ারে
 ঘর্ঘরি । হেঁসিল অশ্ব, পদ-আফালনে
 সৃজি বিস্কুলিঙ্গবৃন্দে । চড়িলা স্তম্ভনে
 আনন্দে সূন্দরী, সাজি বিমোহন সাজে !

হতাশা-পীড়িত হৃদয়ের দুঃখধ্বনি

ভেবেছিঁনু মোর ভাগ্য, তে রমাসুন্দরি,
 নিবাইবে সে রোষাণি,—লোকে যাহা বলে,
 হ্রাসিতে বাণীর রূপ তব মনে জ্বলে ;—

ভেবেছিলাম, হায় ! দেখি, ভ্রাস্তিভাব ধরি
 ডুবাইছ, দেখিতেছি, ক্রমে এই তরী
 অদয়ে, অতল দুঃখ-সাগরের জলে
 ডুবিবু ; কি যশঃ তব হবে বঙ্গ-স্থলে ?

দেবদানবীয়ম্

মহাকাব্য

প্রথম সর্গঃ

কাব্যেকখানি রচিবারে চাহি,
 কহো কি ছন্দঃ পছন্দ, দেবি !
 কহো কি ছন্দঃ মনানন্দ দেবে
 মনুষ্বন্দে এ সুবঙ্গদেশে ?
 তোমার বীণা দেহ মোর হাতে,
 বাজাইয়া তায় যশস্বী হবো,
 অমৃতরূপে তব কৃপাবারি
 দেহো জননি গো, ঢালি এ পেটে

জীবিতাবস্থায় অনাদৃত কবিগণের সম্বন্ধে

ঐতিহাস এ কথা কাঁদিয়া সদা বলে,
 জন্মভূমি ছেড়ে চল যাই পরদেশে ।
 উরুপায় কবিগুরু ভিখারী আছিল
 ওমর (অসভ্যকালে জন্ম তাঁর) যথা
 অমৃত সাগরতলে । কেহ না বুঝিল
 মূল্য সে মহামণির ; কিন্তু যম যবে

গ্রাসিল কবির দেহ, কিছু কাল পরে
 বাড়িল কলহ নানা নগরে ; কহিল
 এ নগর ও নগরে, “আমার উদরে
 জনম গ্রহিয়াছিল। ওমর স্মৃতি।”
 আমাদের বাল্মীকির এ দশা ; কে জানে,
 কোন্ কুলে কোন্ স্থানে জন্মিল স্মৃতি।

পণ্ডিতবর শ্রীযুক্ত ঈশ্বরচন্দ্র বিদ্যাসাগর মহাশয়কে লক্ষ্য করিয়া

শুনেছি লোকের মুখে পীড়িত আপনি
 হে ঈশ্বরচন্দ্র ! বঙ্গে বিধাতার বরে
 বিদ্যার সাগর তুমি ; তব সম মণি,
 মলিনতা কেন কহ ঢাকে তার করে ?
 বিধির কি বিধি স্মরি, বৃষ্টিতে না পারি,
 হেন ফুলে কীট কেন পশিবারে পারে ?
 করমনাশার শ্রোত অপবিত্র বারি
 ঢালি জাহ্নবীর গুণ কি হেতু নিবারে ?
 বঙ্গের সূচুড়ামণি করে হে তোমারে
 সৃজিলা বিধাতা, তোমা জানে বঙ্গজনে ;
 কোন্ পীড়ারূপ অরি বাণাঘাতে পারে
 বিধিতে, হে বঙ্গরত্ন ! এহেন রতনে ?
 যে পীড়া ধনুক ধরি হেন বাণ হানে
 (রাক্ষসের রূপ ধরি), বৃষ্টিতে কি পার,
 বিদীর্ণ বঙ্গের হিয়া সে নিষ্ঠুর বাণে ?
 কবিপুত্র সহ মাতা কাঁদে বারম্বার ।

দুরূহ শব্দ ও বাক্যাংশের ব্যাখ্যা

পংক্তি

বষাকাল :	৩	রমণ—পুরুষ ।
	৪	দানবাদি দেব,—দানবাদি, দেব, সজত ।
হিমঋতু :	১	হিমস্তের—হেমস্তের (মধুসূদনের প্রয়োগ) ।
রিজিয়া :	৬	দংশ—দংশ সজত ।
	২৩	সিন্ধুদেশে—সমুদ্রে ।
কবি-মাতৃভাষা :		মধুসূদন-বিরচিত প্রথম চতুর্দশপদী কবিতা । ইহারই সংশোধিত রূপ “বন্ধ-ভাষা” (‘চতুর্দশপদী কবিতাবলী’, ৩ নং কবিতা) ।
আত্ম-বিনাপ :	১২	অস্বপ্নে সন্তোষাতি—জলের তোড়ে সন্ত সন্ত বিনাশ- শীল ।
	১২	সাদে—সাধে ।
বজ্রভূমির প্রতি :	২৫	তামরস—পদ্ম ।
দ্রৌপদীস্বয়ম্বর :	১৭	বিকচিত—বিকচ (মধুসূদনের প্রয়োগ) ।
	১৮	দ্বিতীয়—রামায়ণকার বাল্মীকি আদি-কবি বলিয়া মহাভারতকারকে মধুসূদন ‘দ্বিতীয় কমল’ বলিয়াছেন ।
সুভদ্রা-হরণ :	৩-১৫	দ্রৌপদীস্বয়ম্বরের প্রায় পুনরুক্তি ।
	২০	শ্রীবরদা—লক্ষ্মী ।
ময়ূর ও গৌরী :	৩০	কেশে—মস্তকে ।
কাক ও শৃগালী :	২৩	বাস-বসে—রাস রসে হইবে ।
অশ্ব ও কুরঙ্গ :	১০	বাগানে—মুদ্রাকর-প্রমাদ ; বাপানে হইবে ।
	৩৬	মৃগয়ী—ব্যাধ ।
	৫৪	সাদী—অখারোহী ।

পংক্তি

বেবদৃষ্টি :

২৩ মেখলেম—মেখলার আয় পরিবেষ্টন করেন ।

গদা ও সদা :

১৭ সিদ্ধ অহুসিদ্ধ—সুন্দ উপসুন্দ হইবে ।

৭১ লভিল—লভিলা হইবে ।

চাকাবাসীদিগের

অতিনন্দনের উত্তরে : ১০ কারো—মুদ্রাকর-প্রমাদ ; কারে হইবে ।

পুরুলিয়া :

৫ সরস—সুরোবরে ।

১৪ সত্যতা—সভ্যতা হইবে ।

কবির ধর্মপুত্র :

১১ তোলি—তুলিয়া ।

পঞ্চকোট গিরি :

১০ তোমায়—তোমারে হইবে ।

পঞ্চকোটস্থ রাজশ্রী :

চতুর্থ ও পঞ্চম পংক্তি যথাক্রমে পঞ্চম ও চতুর্থ
পংক্তি হইবে ।

দুর্যোধনের মৃত্যু :

২৫ সর্ষভুক্—সর্ষভুক্ হইবে ।

৪৬-৪৭ নিম্নলিখিত রূপ হইবে—

যে স্তম্ভের বলে শির উঠায় আকাশে

উচ্চ রাজ-অট্টালিকা, সে স্তম্ভের রূপে

জীবিতাবস্থায়... :

৪ ওমর—হোমার ।

মধুসূদন-গ্রন্থাবলী

দুই খণ্ডে সম্পূর্ণ

সমগ্র বাংলা গ্রন্থাবলীর অগ্রিম মূল্য

রাজ-সংস্করণ — পনের টাকা

সাধারণ সংস্করণ—দশ টাকা

প্রত্যেক বই খুচরাও পাওয়া যায় ।

চতুর্দশপদী কবিতাবলী	—	১১
রাজাঙ্গনা কাব্য	—	১১.০
বীরাঙ্গনা কাব্য	—	১১
তিলোত্তমাসম্ভব কাব্য	—	১১
মেঘনাদবধ কাব্য	—	২৬.০
বিবিধ	—	১০

